

ISPS PILLUGU MALITTARISSASSAT

ISPS naalisaagaavoq "International Ship and Port Facility Security Code". Naalagaaffit Peqatigiit imar-sionermut suleqatigiiffianit (IMO-mit) pinngorpoq ilaatigut USA-mi septembarip 11-ani 2001-imi inga-saassinianit saassunneqarnerup pequtigisaanik pilersinneqarsimalluni. ISPS-imut siunertaavoq isumannaallisaanikkut aaqiissutit aalajangersimasut atorlugit nunat tamat akornanni umiartorneq illersornissaa. Soorunalumi aamma Nunatsinni umiarsualivinnut atuuppoq.

Nunat amerlanerit assigalugit Kalaallit Nunaat ukiua-luit matuma siorna ISPS pillugu malittarisassat akue-rai. Malitsigivaa pisussaatitaaffit isumannaallisaaner-mullu aaqiissutit assigiinngitsut Nunatta imartaani eqquutsinnissaat. Umiarsualiviit assigiinngimmata isumannaallisaanermut pisariaqartitat allanngoraput.



ISPS-IKKUT ISUMANNAALLISAANERIT

Siorasaarutaasut tunngavigalugit ISPS isumman-naallisaanermut qaffasissutit pingasut atorpai:

Isumannaallisaanermut qaffasissuseq 1

Tassa naloginnaasumik sillimaniarnikkut pisariaqarti-tanik minnerpaanik atatitsineq. Umiarsualivimmi suliat naloginnaasumik ingerlasinnaapput.

Isumannaallisaanermut qaffasissuseq 2

Aarlerinassutsikkut naliliinerit qaffannerini piffissamik killilimmik immikkut ittunik sillimaniarnikkut periutsit aallartisarneqassapput. Taamaattoqartillugu umiar-sualivimmi suliat killilimmik ingerlasinnaapput.

Isumannaallisaanermut qaffasissuseq 3

Aarlerinassutsikkut naliliinerit piffissami killilimmi immikkut ittunik isumannaallisaanikkut aaqiissutinik pisariaqartitsippata, isumannaallisaanermut qaffasis-suseq una atuutilissaaq. Eqqaaneqassaaq tamanna anguniakkamik aalajangersimasumik tunngaveqarta-riaqanngimmat. Qitiusumik umiarsualivinnut pisorta-qarfik attavigineqassaaq isumannaallisaanermullu qaffasissutisip appaqqinnissaata tungaanut umiar-sualivimmi suliat tamaasa unitsinneqassapput.



ILINNUT SUNNIUTIT

Umiarsualivimmi sulisut atuisullu ISPS-eqarfiusup iluani susassaqtut akuersissummik assitalimmillu kinaasutsimik uppernarsaammik peqassapput. Ta-matigut ISPS-eqarfiusuni suliat pilersaarusionerqar-sinnaapput assiaqusersimasooq upalungaarfialugu.

Utaqqiisaartumik "on/off"-iusuni pisariusorinarsinnaa-voq ullormi ataatsimi tikinneqarsinnaasut ullup tulliani assiaqusersimanagerat. Atuisulli pisariaqartut utaqqi-saartumik "on/off"-imik pilersitsisoqannginnerani ilisi-matinneqarumaarput qanoq sivisutigisumik atuunnis-saa ilimagineqarnerisooq ilanngullugu. Taamak ilior-nikkut suliat naloginnaassumik "on/off"-eqarfiusup nalaani pisartut minnerpaamik akornusiisumik pilersaarusiornissaannik periarfissinneqassapput.



ISPS SUMI ATUUPPA

Umiarsualiviit tamatigut utaqqiisaartumilluunniit (on/off) ISPS-eqarfiusut immikkoortinneqarput. Tamanna umiarsualiviup nunani tamani angalaartunit qanoq akuttutigisumik tikinneqartarneranik tunngaveqarpoq.

Tamatigut ISPS-eqarfiusut tassaapput umiarsualiviit tamatigut assiaqusersimasunik nunaminertallik. Taa-maattoqartillugu immikkut isaarianik kinaassutsimik uppernarsaaserfiviusussanik peqassaaq nalunaaqurtarlukaaajallallugu nakkutilliisoqassalluni.

Sumiiffit ilaat nunani tamani angalaartunik tikinneqajinnerupput taamaattumillu tamatigut assiaqusersimasunik ISPS-eqarfiunatik. ISPS pisariaqartillugu utaqqiisaartumik assiaquisiisoqarsinnaavoq aammalu kinaassutsimik uppernarsaaffissamik nalunaaqurtarlukaaajallallugu nakkutilliinermik pilersitsisoqarluni. Utaqqissaartumik ISPS-eqarfiusoq "on/off"-imik taaguuserneqartarpoq, naliginnaasumillu umiarsuaq nunani tamani angalaartup tikinnissaa akunnernik 24-nik sioqqutsisumik aallarnissaatalu tungaanut pilersinneqartassalluni.



PAASISSUTISSAT ALLAT

ISPS pillugu paasissutissat sukumiineerusut IMO-p nittartagaani takuneqarsinnaapput:

http://www.imo.org/en/OurWork/Security/Guide_to_Maritime_Security/Pages/Default.aspx

ISPS illit umiarsualivigisannut qanoq sunniuteqarner-soq pillugu paasissutissat sukumiineerusut sumiiffimmi umiarsualiviup pisortaarfianut saaffiginnissutigisinnaavat.

NAALAKKERSUISUT
GOVERNMENT OF GREENLAND



ISPS

- imarsiornikkut isumannaallisaaneq



**Kommuninut, Nunaqarfinnut,
Isorliunerusunut, Attaveqatigiinnermut
Ineqarnermullu Naalakkersuisoqarfik**